

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
po Prijavi namjere koncentracije privrednog subjekta OAO NeftegazInKor, Moskva,
Ruska Federacija, i privrednog subjekta Rafinerija nafte Bosanski Brod, Bosna i
Hercegovina

Sarajevo
Maj 2007. godine



Broj: 01-01-26-007-26-II/07
Sarajevo, 23. maja 2007. godine

Na osnovu člana 42. stav (1) tačka g) a u vezi sa čl. 12. i 14. Zakona o konkurenciji («Službeni glasnik BiH», broj 48/05) i člana 116. stav (2) Zakona o upravnom postupku («Službeni glasnik BiH», broj 29/02), po Prijavi namjere koncentracije privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija, podnesenoj od ovlaštenog punomoćnika Slavka Šćepanovića, b. 1, 4/17 Pokrovsky b-r, Office 2, 107078 Moskva, Ruska Federacija, dana 12. februara 2007. godine broj: 01-01-26-007- II /07, Konkurencijsko vijeće na 46. (četrdesetšestoj) sjednici održanoj dana 23. maja 2007. godine, je donijelo

Z A K L J U Č A K

Odbacuje se Prijava namjere koncentracije privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija, radi nepostojanja obaveze podnošenja, Prijave, u smislu odredbi Zakona o konkurenciji.

O b r a z l o ž e n j e

Konkurencijsko vijeće je zaprimilo Prijavu namjere koncentracije (u daljnjem tekstu: Prijava) sticanjem kontrole privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija (u daljnjem tekstu: podnosilac Prijave ili NeftegazInKor), nad privrednim subjektom Rafinerija nafte d.d. Bosanski Brod, Svetog Save bb, 74450 Bosanski Brod, Bosna i Hercegovina, podnesenoj od ovlaštenog punomoćnika Slavka Šćepanovića, b.1, 4/17 Pokrovsky b-r, Office 2, 101000 Moskva, Ruska Federacija, dana 12. februara 2007. godine broj: 01-01-26-007- II /07.

Uvidom u Prijavu, a u skladu sa članom 30. Zakona o konkurenciji (u daljnjem tekstu: Zakon) i Odluci o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 95/06) Konkurencijsko vijeće je utvrdilo da ista nije kompletna, (nedostaju finansijski izvještaji učesnika koncentracije za 2006. godinu, vlasnička struktura učesnika koncentracije, povezana privredna društva).

Konkurencijsko vijeće je zatražilo, u smislu člana 31. st. (1) i (2) Zakona, dopunu Prijave (dana 16. februara 2007. godine, dana 23. februara 2007. godine, dana 02. marta 2007. godine, dana 14. marta 2007. godine, dana 20. marta 2007. godine, dana 21. marta 2007. godine, dana 02. aprila 2007. godine, dana 11. aprila 2007. godine, dana 17. aprila 2007. godine, dana 20. aprila 2007. godine), koju je podnosilac Prijave dopunio nedostajućom dokumentacijom (dana 22. februara 2007. godine, dana 27. februara 2007. godine, dana 13. marta 2007. godine, dana 15. marta 2007. godine, dana 23. marta 2007. godine, dana 29. marta 2007. godine, dana 10. aprila 2007. godine, dana 19. aprila 2007. godine).

Po prijemu tražene dokumentacije Konkurencijsko vijeće je utvrdilo da je Prijava kompletna i izdalo je podnosiocu Prijave Potvrdu o prijemu kompletne i uredne Prijave, u skladu sa članom 30. stav (3) Zakona, dana 24. aprila 2007. godine pod brojem: 01-01-26-007-24- II /07.

Konkurencijsko vijeće uvidom u Prijavu i dostavljenu dokumentaciju je utvrdilo sljedeće činjenice:

Podnosilac Prijave je dostavio Prijavu u zakonom predviđenom vremenskom roku, u smislu člana 16. stav (1) Zakona.

Podnosilac Prijave je naveo u Prijavi, u smislu člana 30. stav (2) Zakona, da zahtjev nije podnio drugom tijelu za ocjenu predmetne koncentracije, izvan teritorija Bosne i Hercegovine.

Pravni osnov i oblik koncentracije

Pravni osnov predmetne koncentracije je Ugovor o prodaji dionica privrednog subjekta Rafinerija nafte d.d. Bosanski Brod, privrednog subjekta Petrol d.d. Banja Luka i privrednog subjekta Rafinerija ulja Modriča d.d. Modriča (u daljnjem tekstu: Ugovor o prodaji) zaključen, dana 02. februara 2007. godine, između privrednog subjekta OAO NeftegazInKor (kupca) i Vlade Republike Srpske (prodavca).

Pravni oblik predmetne koncentracije je sticanje kontrole, u smislu člana 12. stav (1) tačka b) Zakona, od strane privrednog subjekta NeftegazInKor u privrednom subjektu Rafinerija nafte d.d. Bosanski Brod (u daljnjem tekstu: Rafinerija Brod). Kontrola se ostvaruje kupovinom (..)**¹ redovnih dionica sa pravom glasa, nominalne vrijednosti (..)**, što odgovara vlasničkom udjelu od 64,998602% od ukupnog broja dionica privrednog subjekta Rafinerija Brod, a koje su u vlasništvu Vlade Republike Srpske i (..)** redovnih dionica sa pravom glasa, nominalne vrijednosti (..)**¹, a što iznosi 5,0% ukupnog broja dionica privrednog subjekta Rafinerija Brod, a koje su u vlasništvu Fonda za restituciju Republike Srpske.

Nakon provođenja koncentracije privredni subjekt NeftegazInKor bit će vlasnik (..)** redovnih dionica sa pravom glasa privrednog subjekta Rafinerija Brod, nominalne vrijednosti (..)**¹, što odgovara većinskom vlasničkom udjelu od 69,998602% od ukupnog broja dionica.

Učesnici koncentracije

Učesnici koncentracije su privredni subjekt Otvoreno dioničarsko društvo Nafregazovaja Inovacionaja Korporacija - OAO NeftegazInKor, 107078 Moskva, Kalančevskaja ulica 11/2, 107078 Moskva, Ruska Federacija i privredni subjekt Rafinerija nafte d.d. Bosanski Brod, Svetog Save bb, 74450 Bosanski Brod, Bosna i Hercegovina.

Privredni subjekt NeftegazInKor

Privredni subjekt NeftegazInKor, evidentiran u jedinstvenom državnom registru pravnih lice broj: 1027708003256, dana 23.08.2002. godine (inspekcija Ministarstva Ruske Federacije za poreze i doprinose broj 8 za Centralni administrativni okrug grada Moskva). Privredni subjekt NeftegazInKor, na osnovu odredbi Odluke Federalnog povjerenstva za tržište i vrijednosne papire broj: 27 od dana 02.10.1997. godine, vodi vlastiti registar izdavanja vrijednosnih dionica (državni

¹ (..)** - Podaci predstavljaju poslovnu tajnu

registarski broj izdavanja vrijednosnih papira: 1-01-07474-A) i ima ukupno (..)** običnih dionica nominalne vrijednosti (..)**.

Vlasnička struktura privrednog subjekta NeftegazInKor (navedena od podnosioca Prijave), na dan 02. februara 2007. godine (na dan zaključenja predmetnog Ugovora učesnika koncentracije) u dioničkom kapitalu:

- privredni subjekt Otvoreno dioničarsko društvo (OAO) Zarubezneft, Armjanskij pereulok 9-1, 101990 Moskva, Ruska Federacija, posjeduje (..)** običnih dionica ukupne vrijednosti (..)** što predstavlja 40,0% od ukupnog dioničkog kapitala.

Privredni subjekt OAO Zarubezneft u 100,0% je vlasništvu Ruske Federacije odnosno Federalne agencije za upravljanje federalnom imovinom.

- privredni subjekt Invest-tehnologije, društvo sa ograničenom odgovornošću, Radiščevskaja verh 4, 109240 Moskva, Ruska Federacija, osnovni državni registarski broj: 5067746347389, posjeduje (..)** običnih dionica ukupne vrijednosti (..)** što predstavlja 20,0% od ukupnog dioničkog kapitala.

Fizičko lice (..)**, Ruska Federacija, je jedini osnivač privrednog subjekta Invest Tehnologi, upisan dana 29.08.2006. godine u registar Međureonske inspekcije federalne porezne službe broj 46 za grad Moskvu.

- privredni subjekt Nepata, društvo sa ograničenom odgovornošću, Energetičkij proezd 3, 127015 Moskva, Ruska Federacija, osnovni državni registarski broj: 1047796915341, posjeduje (..)** običnih dionica ukupne vrijednosti (..)** što predstavlja 20,0% od ukupnog dioničkog kapitala.

Fizičko lice (..)** je jedini osnivač privrednog subjekta Nepata, upisan dana 30.11.2004. godine u registar Međureonske inspekcije federalne porezne službe broj 46 za grad Moskvu.

- privredni subjekt Junik Development, društvo s ograničenom odgovornošću, Ljusinovskaja ulica 36/50, 113093 Moskva, Ruska Federacija, osnovni državni registarski broj: 1037700120292, posjeduje (..)** običnih dionica ukupne vrijednosti (..)** što predstavlja 20,0% od ukupnog dioničkog kapitala.

Fizičko lice (..)**, Ruska Federacija, je jedini osnivač privrednog subjekta Junik Development, upisan dana 28.11.2001. godine u registar Međureonske inspekcije federalne porezne službe No. 5 za grad Moskvu.

Glavne djelatnosti privrednog subjekta NeftegazInKor su istraživanje, izgradnja i eksploatacija nafte i plina, dobijanje i plasman nafte, naftnih derivata i plina, skladištenje nafte i naftnih derivata, montaža i ugradnja opreme za proizvodnju plina i nafte itd.

Podnosilac Prijave je naveo da nema povezanih /subsidijskih privrednih subjekata registrovanih u Bosni i Hercegovini niti djeluje na tržištu Bosne i Hercegovine u proizvodnji/prodaji roba i/ili usluga.

Privredni subjekt Rafinerija Brod

Privredni subjekt Rafinerija Brod je registrovan u Osnovnom sudu Doboj, pod brojem: 1-4616-00. Vlasnička struktura osnovnog kapitala privrednog subjekta Rafinerija Brod: Vlada Republike Srpske 65,0%, mali dioničari 20,0%, penzijski fond Republike Srpske 10,0%, fond za restituciju Republike Srpske 5,0%.

Osnovne djelatnosti privrednog subjekta Rafinerija Brod su vađenje sirove nafte i prirodnog plina, proizvodnja naftnih derivata, skladištenje i distribucija naftnih derivata na veliko.

Podnosilac Prijave je naveo da privredni subjekt Rafinerija Brod nema povezanih privrednih subjekata u Bosni i Hercegovini.

Ocjena Prijave namjere koncentracije

Relevantno tržište, u smislu člana 3. Zakona te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda /usluga koje su predmet obavljanja djelatnosti na određenome geografskom tržištu.

Relevantna tržišta predmetne koncentracije su proizvodnja i distribucija naftnih derivata na cijeloj teritoriji Bosne i Hercegovine.

Prema podacima iz Prijave, u vlasničkoj strukturi privrednog subjekta NeftegazInKor najveći vlasnički udio od 40,0% ima privredni subjekt Zarubezneft, dok ostala tri privredna subjekta imaju po 20,0%, što znači da privredni subjekt NeftegazInKor u vlasničkoj strukturi nema dominantnog uticaja / kontrolu od strane jednog privrednog subjekta koji posjeduje preko 50,0% ukupnih dionica ili prava glasa, u smislu člana 2. stav (2) Zakona.

Prema navedenom, privredni subjekt Zarubezneft nema kontrolu nad privrednim subjektom NeftegazInKor, i radi toga se prilikom računanja ukupnog prihoda na svjetskom nivou, u smislu člana 14. Zakona, uzima u obzir ukupan prihod isključivo ostvaren od privrednog subjekta NeftegazInKor.

Ukupan prihod privrednih subjekata učesnika koncentracije, na dan 31. decembra 2006. godine (u godini koja je prethodila predmetnoj koncentraciji), u smislu člana 14. Zakona (Tabela 1.):

Tabela 1.

(KM)	NeftegazInKor	Rafinerija Brod
Svijet	3.000.000,00 - 6.000.000,00 ²	-
Bosna i Hercegovina	-	1.000.000,00 – 3.000.000,00 ²
Ukupno-učesnici koncentracije	4.000.000,00 – 9.000.000,00 ²	

Zajednički ukupni prihod učesnika koncentracije, u 2006. godini, iznosi između 4.000.000,00 – 9.000.000,00 KM² te nisu ispunjeni uslovi predviđeni članom 14. stav (1) tačka a) Zakona, odnosno učesnici koncentracije nisu ostvarili ukupan godišnji prihod (u godini koja je prethodila koncentraciji) na osnovu kojeg bi postojala obaveza podnošenja Prijave.

² podaci su okvirni jer stvarni predstavljaju poslovnu tajnu

Također, zajednički tržišni udio učesnika koncentracije, u 2006. godini, na relevantnom tržištu Bosne i Hercegovine je ispod 1,0% odnosno privredni subjekt Rafinerija Brod ima 0,1%, dok privredni subjekt NeftegazInKor nema tržišnog udjela na relevantnom tržištu Bosne i Hercegovine.

Prema navedenom tržišni udio učesnika koncentracije na relevantnom tržištima ne prelazi 40,0%, i nije ispunjen uslov za obavezu Prijave, u smislu člana 14. stav (1) tačka b) Zakona.

Na osnovu iznesenoga Konkurencijsko vijeće je odlučilo kao u dispozitivu ovog Zaključka.

Administrativna taksa

Na ovaj Zaključak podnosilac Prijave, u skladu sa članom 2. tarifni broj 108. stav 1. tačka c) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», broj 30/06) je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 (trideset) dana od dana prijema ovoga Zaključka odnosno od dana njegove objave u «Službenom glasniku Bosne i Hercegovine»

Ovaj Zaključak bit će objavljen u «Službenom glasniku BiH», službenim glasilima Entiteta i Brčko Distrikta Bosne i Hercegovine.

Predsjednik

Sanja Božić